
Ikaarsaariarnermut ataatsimiititaliaq, 11. august 2017 nal. 10.00

Kommune Qeqertalik
Kommunalbestyrelsi

Hansen, Ane	IA
Nathanielsen, Karl	
Thue	IA
Sørensen, Hector	
Lennert	IA
Samuelsen, Aqqa	IA
Aronsen, Hans	IA
Petersen, Thomas	IA
Kristensen, Niels	IA
Jeremiassen, Kristian	IA
Svane, Jess	S, telefuunikkut
Sandgreen, Enok	S, telefuunikkut
Mølgaard, Timooq	S, telefuunikkut
Jeremiassen, Otto	S
Jeremiassen, Nikolaj	S
Vetterlain, Jens	S
Kristensen, Naja	A

Ataatsimiinnermi aqutsisoq:

Ane Hansen, IA

Allatsi:

Benedikte Mølgaard

Ataatsimiinneq:

Kommunip ataatsimiittarfia, Aasiaat

Ullormut oqaluuserisassat

17-021 MISSINGERSUUTIT KILLIFFISSIORNERAT 1-2017	2
17-022 KOMMUNIP AVINNEQARNISSAANUT KILLIFFIK ILUNGERSUNARTOQ.....	5
17-023 QASIGIANNGUANI KATERSUGAASIVIUP ILLUT B-7 AAMMA B-9 PISIARINISSAANUT QINNUTEQAATAA	6
17-024 MEEQQERIVIMMI INIMIITTUSSAT QASSIUSARIAQARNERISA SANIATIGUT INIMIK AQUTSISUUSUMIK PEQASSAPPAT MEEQQAT INIMIITTUSSAT IKINNERPAAFFILERNEQARNISSAAT PILLUGU AALAJANGERSAANEQ.....	8
17-025 NASSUTTUUMI QEQERTAASAP IKUALLANNERA	10
ILISIMATITSISSUTIT	11
PISORTAANISSARSIORNEQ.....	11
GER-NUMMER	11
INUIT ATAASIAKKAAT INGERLATSIVIILLU AKILERAARUTAANNUT AKILIGASSAT UKIUNUT 2011-2016 TUNNGASUT	11
ATAATSIMIINNEQ NAAVOQ	12
ATSIORFISSAQ	12

Eqqartugaq | Ullormut oqaluuserisassat akuersissutigineqarnerat

Oqaluuserisassanut ilanngunneqarpoq imm. 17-025 Nassuttuumi Qeqertaasami ikuallanneq

Ullormut oqaluuserisassanut tunngatillugu allattoqarfiup oqaaseqaatai:

Soqanngilaq

Aalajangerneq:

Oqaluuserisassat akuerineqarput

Suliap normua /eqqartugaq	17-021 Missingersuutit killiffissiornerat 1-2017	Ilanngussap normua	
		Journal nr.	

EQIKKAANEQ:

Kommuni ukiumut pingasoriarluni aningaasanut missingersuutit killiffissiuusartussaavoq. Unalu 2017-imi aningaasanut missingersuutit siullermeerluni killiffissiuineruvoq.

SULIAP SAQQUMMIUNNEQARNERA:

Ataatsimiititaliat ataasiakkaat ingerlatsivik susassaqarfigisartik killiffissiornikuuat killiffissiuusimanertillu tunngavigalugu aningaasatigut atugassamittut naatsorsuutigisatik naatsorsuutit ilanngukkumasatik nassiussimallugit.

Aningaasatigut atorpeqartussat katillugit ima amerlassuseqassapput:

- Ingerlatsinermut aningaasartuutit amerlissutaat 22.051 mio. kr.
- Sanaartornermut aningaasartuutit amerlissutaat 2.822 mio. kr.
- Isertitassat amerlissutaat 8.418 mio. kr.
- Killiffigisami aningaasartuutissat nikinggillat

Illassutissatut qinnuteqatit katillugit 16.455 mio. kr., isertitassat ilanngaatigereerlugit.

Aningaasaliissutaareersut eqqarsaatigalugu immikkut aningaasaliinissamut inassuteqaataasut akuersissutigineqassappata 2017-ip naanerani karsimi uninngasuutigineqartussat naatsorsuutigineqartut annertussuseqalerlutik 6.064 mio. kr.

TAMAKKIISUMIK TAKUSSUTISSAQ, KONTO 1-9

Konto	Taaguutaa	Naatsorsuutit 2016	Missingersuutit siullit 2017	BR1 2017
1	Allaffissorneq	188.111	203.682	221.984
2	Teknikkimut tunngasut	59.269	59.076	60.723
3	Suliffissarsiuussineq Inuussutissarsiornerlu	38.504	47.862	47.862
4	Inunnik isumaginnittoqarfik	469.079	448.058	448.058
5	Atuartitsineq Kulturilu	396.640	412.467	411.660
6	Pilersuiffiit	13.192	5.686	8.595
Katill.	Ingerlatsinermut aningaasartuutit	1.164.795	1.176.831	1.198.882
7	Sanaartornermut tunngasut	77.691	135.862	140.684
Katill.	Ingerlatsinermut- sanaartornermullu aningaasartuutit	1.242.487	1.312.693	1.339.566
8	Isertitat	-1.321.916	-1.287.744	-1.321.162
Katill.	Angusat aningaasaatit nikerarnera sioqqullugu	-79.430	24.949	18.404
9	Aningaasaatit nikerarnerat	104.575	21.500	21.510
Katill.	Ukiumi angusat 1 - 9	-9.814	46.449	39.914
9	Ukiup aallartinnerani karsimiittuutit	116.164	125.978	125.978
Katill.	Ukiup naanerani karsimiittuutit	125.978	79.529	86.064
	5% ingerlatsin. Sanaartornermullu aningaasartuutit	62.124	65.635	66.978
	7,5% ingerlatsin. sanaartornermullu aningaasartuutit	93.187	98.452	100.467

ANINGAASATIGUT KINGUNISSAI:

Qinnuteqaatit akuerineqassappata aningaasatigut kinguneqassaaq 2017-ip naanerani karsimi uninngasuutissatut naatsorsuutit appassammata annertussuseqalerlutik 76.064 mio. kr.

INATSISITIGUT TUNNGAVIUSOQ:

Kommunit aqunneqarnerat pillugu inatsit.

SULIAP SULIARINEQARNERA:

Missingersuutiniq killiffissiuineq 1-2017 ataatsimiititalianit ataavartunit suliarineqareerlutik tunniussat.

INASSUTEQAAT:

Taaguutaa	Missingersuutit + Ilassutit 2017	BR1-2017
Ingerlatsinermit aningaasartuutit	1.177	1.198
Sanaartornermit aningaasartuutit	138	151
Isertitat	-1.313	-1.321
Inernera	2	28

Naatsorsuutit inernerisassaatus naatsorsuutigineqartumit ukiumi naatsorsuutit inernerini kommunip isertitassai 1% sinnerlugu qaangerneqarsinnaangillat Namminersorlutik Oqartussat nalunaarutaat nr. 6 31. maaji 2017, §1 imm. 4 naapertorlugu.

Isertitassat 1%-ii annertussuseqarput 13 mio. kr.

ANINGAASAQARNERMUT INGERLATSIVIMMIT INASSUTIGINEQARPOQ,

1. Ataatsimiititaliat ataavartut ingerlatsinermit sanaartornermiillu minnerpaamik 15 mio. kr. sipaarniaqqullugit piumaffigineqassasut
2. Sipaartutissat suliarineqassasut BR2-2017-imi
3. Inassutigineqartut akuerisassangorlugit ikaarsaariarnermut ataatsimiititalianut marlunnut nassiuinneqassasut aningaasaliissutit killiffissiorneqarnissaat BR2-2017 sioqqullugu
4. Inissianik sanaartornermit 2015 aamma 2016 tapiissutit 5.7 mio. kr. isertitassatut akuerineqassasut

Aningaasaqarnermut ataatsimiititaliap aalajangernera: Inassutigineqartut akuersissutigineqarpoq.

Kisitsisinut tunngassuteqartut eqqortuunerisa qularnaarneqarnissaat inassutigineqarpoq, taamaaliortoqassaarlu kisitsisinut tunngassuteqartut kommunalbestyrelsimut saqqummiunneqannginneranni.

Aningaasaqarnermut ataatsimiititaliap ataatsimiinnerata 23. juni 2017-imi pisup kingorna oqaaseqaatit.

Aningaasaqarnermut ataatsimiititaliap ataatsimeereernerata kingorna kisitsisit eqqortuuneri qularnaarneqarput, taamaaliortoqarporlu [Kommunini suliassaqarfiit aaggissuutegginneqarnerata allanngortinneqarneranik Inatsisartut inatsisaat nr. 30, 28. november 2016-imeersoq](#) tunngavigalugu taamatuttaarlu Namminersorlutik Oqartussat

nalunaarutaat nr. 6, 31 maj 2017-imeersoq, aningaasanut missingersuutit killiffissiorneqartarnerannut tunngassuteqartoq kiisalu aningaasanik aqutsineq §1 imm. aamma imm. 4 naapertorlugu; aningaasartuutitut tunngassuteqartut pillugit nakkutilliinermi takussutissaasut imaappata, naatsorsuutit kisitsisaasa inernivii ukiumi naatsorsuusiorfiusumi kommunip isertitarisimasaannut sanilliullugit 1 procentimik amerlanerusimappata, taava kommunalbestyrelsi ullut 30-it qaangiutsinnagit immikkut akuerisassatut siunnerfilimmik aningaasanik amerlassusiliilluni aalajangersaassaaq, aningaasallu immikkut akuersissutaasut ukiumi naatsorsuusiorfiusumi sippuinissatut ilimagineqartut tunngavigalugit taakkua amerlassusilerneqassapput.

Imm. 5. Nalunaarutip 2017-imi atuutilerneraniit kommunalbestyrelsi immikkut aningaasaliissuteqarnissat taamaallaat akuersissuteqarsinnaavoq ikaarsariarnermut ataatsimiititaliap immikkut aningaasaliissuteqarnissamut akuersissutigeriigai tunngavigalugit, tamatumani lu pineqarput aningaasartuutit allat inatsisinik pituttugaangitsut.

Kommunalbetyrelsip aalangernera: Inassuteqaatit, 2,3 aammalu 4 akuerineqarput.

SULIAP SULIARINEQARNERA:

Suliaq Ikaarsaariarnermut ataatsimiititaliamit aalajangerneqassaaq.

INASSUTEQAAT:

Aningaasaqarnermut ataatsimiititaliap Ikaarsaariarnermut ataatsimiititaliamut inassuteqaatigaa, inassuteqaatit 1, 2, 3 aamma 4 akuerineqassasut.

1. Ataatsimiititaliat ataavartut ingerlatsinermi sanaartornermiillu minnerpaamik 15 mio. kr. sipaarniaqqullugit piumaffigineqassasut
2. Sipaartussat suliarineqassasut BR2-2017-imi
3. Inassutigneqartut akuerisassanngorlugit ikaarsaariarnermut ataatsimiititalianut marlunnut nassiuinneqassasut aningaasaliissutit killiffissiorneqarnissaat BR2-2017 sioqqullugu
4. Inissianik sanaartornermit 2015 aamma 2016 tapiissutit 5.7 mio. kr. isertitassatut akuerineqassasut

ATORTUSSATUT ILANNGUSSAT:

- Namminersorlutik Oqartussat nalunaarutaat nr. 6 31. Maaji 2017-imeersoq Qaasuitsup Kommuniata avinneqarnissaanut tunngasoq
- Ataatsimiititaliat ataavartut ataatsimiititaliaanit ilanngussat
- Akiitsunut takussutissaq
- Oqimaaqatigiissarinermit takussutissat april 2017 naaneraneersut

AALAJANGERNEQ:

Inassuteqaatit 1, 2, 3 aamma 4 akuerineqarput.

Suliap normua /eqqartugaq	17-022 Kommunip avinneqarnissaanut killiffik ilungersunartog	Ilanngussap normua	
		Journal nr.	

EQIKKAANEQ:

Qaasuitsup Kommuniata marlungorlugu avinneqarnissaanut atatillugu Kommune Qeqertalimmi qullersaqarfimmik suliassaqarfinnillu aallaqqaataaniik pilersitsinissaq kiisalu atorfilittanik nuutitsinissaq.

SULIAP SAQQUMMIUNNEQARNERA:

Qaasuitsup Kommuniata qullersaqarfianut suliassaqarfiit eqiterunneqarsimasut Kommune Qeqertalimmit isumagineqalertussaapput. Taakku pikkorissaassutigineqartussaapput atortorissaarutillu nutaat pilersinneqartussaallutik kiisalu sulisut nuutsinneqartussaallutik.

ANINGAASATIGUT KINGUNISSAI:

Pikkorissaaneq atortorissaarutinillu nutaanik pisineq kiisalu sulisut nuutsinneqartussat nuunnerinut atatillugu kiisalu inissamik tunineqanngikkallarnermi aningaasartuuteqartussaavoq.

INATSISITIGUT TUNNGAVIUSOQ:

Kommunini suliassaqarfiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq, §11 aamma §13 naapertorlugu.

SULIAP SULIARINEQARNERA:

Suliaq Ikaarsaariarnermut ataatsimiititaliamit aalajangerneqassaaq.

INASSUTEQAAT:

Aningaasaqarnermut ataatsimiititaliap Ikaarsaariarnermut ataatsimiititaliamut inassuteqaatigaa Qaasuitsup Kommuniani allaffissornikkut qullersanit Ikaarsaariarnermut ataatsimiititaliamut pilersaarutinik tigussaasunik saqqummiiartorlutillu nassuiaateqassasut tassunga ilanngullugu suliap sularineqarnerat pillugit piffissalersukkat (tidsplan) kiisalu Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalackersuisuisoqarfimmit akunnermiliuttoqarluni suliap ingerlanneqarnissaat qinnuteqaatigineqassasoq.

ATORTUSSATUT ILANNGUSSAT:

- Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalackersuisumut allakkat

AALAJANGERNEQ:

2018-imi kommuunit pilersinneqarnissaanut missingersuutit sularilertinnagit, pisariaqarpoq pigisat nalillit avinneqarnissaanut tunngasut, qarasaasiatigut attaveqaatigullu atortorissaarutit piareersarnerinut tunngasut, minnerunngitsumillu sulisunut tunngatillugu suliap killiffii ilanngullugit erseqqissaavineqassasugut piumasaralugu Aningaasaqarnermut ataatsimiititaliap inassuteqaataa ilalerparput akueralugu.

Suliap normua /eqqartugaq	17-023 Qasigiannuani katersugaasiviup illut			Ilanngussap normua	Journal nr.
	B-7 aamma qinnuteqaataa	B-9	pisiarinissaanut		

EQIKKAANEQ:

Illut B-7 aamma B-9 Qasigiannuaniittut KNI-imit pigineqartut atorneqaratik ukiuni arlalinngortuni napaannarput. B-7 quitut atugassanngorlugu 1928-imi napparneqarpoq, taannali atorneqarunnaarnikuuvoq, taannalu talittarfitoqqap nunasiaataanerullu nalaani illuutit akornanniilluni/maannakkut katersugaasivittut atorneqartut B-3-p B-4-p, B-8-p kiisalu B-18-ip eqqaanniilluni.

B-9- paassivittut atorneqartussanngorlugu 1930-imi napparneqarpoq, taannali atorneqarunnaarnikuuvoq, taannalu Qasigiannuguit akianni qaqqajunnap qaavani inissisimavoq.

Illuutit aserfallassimapput illoqarfimmud takusassarsiortunullu kusassaataanatik.

SULIAP SAQQUMMIUNNEQARNERA:

Qasigiannuguit Katersugaasiviata illut pineqartut eriagisarialittut naliliiffigivai, illullu pineqartut ineriartortitsineq aqqutigalugu periarfissagittutut isigalugit, illut pineqartut immikkut tamaasa pilersaarusiullugit.

Illu B-7:

Siunnersuut 1: Angallatit iluseqataanik takutitsivittut atorneqassaaq/katersugaasivik kiassagaanngitsoq.

Siunnersuut 2: Illup sannaata saava oqorsarlugu inissiatut nutaatut atulerlugu imaluunniit illup sannaata saava oqorsarlugu inissiaq containeritut isikkuligaq. Siunnersuut 2 tassaavoq siunissaq eqqarsaatigalugu pilersinniagaq, pilersaarullu soqutiginaartuutillugu aningaasaateqarfinit aningaasaliiffigineqartussanngorlugu qinnuteqaassullugu.

Qasigiannuguit Katersugaasiviat katersugaasiviuvoq soqutiginaatilik, katersugaatit suliassallu eqqarsaatigalugit ilisimatusartunut eqqumiitsuliortunullu inigitissallugu periarfissagissaartoq, siunertanullu tamakkununga B-7 atorneqarsinnaavoq.

Illu B-9:

Siunnersuut 1: Illu pioreersoq iluarsaallugu, sumiiffigisaa takujuminarsarlugu illutut isateriaannartut isikkoqarunnaarsillugu. Aserfallattaaliorneqarneranut Qasigiannuarmiut isumalluutigineqarsinnaapput.

Siunnersuut2: Illu aasakkut ukiukkullu aneerasaartunut atorneqarsinnaasunngorlugu suliarineqarsinnaavoq kiisalu sumiiffigisaa sammisassaqaartitsivittut atorlugu. Illumi pineqartumi pisuttuurtunut aqquatasinnaasunik innersuussiveqassaaq. Qeqertarsuup Tunuanut illoqarfimmullu isikkiveqarpoq, aqqutigissuullunilu.

Illoqarfimmi peqatigiiffiit illu atorluarsinnaavaat sumiiffimmi pineqartumi sammisassaqaartitsinermi aqqissuussinermi kiffartuussivittut atorlugu.

Eqikkaaneq:

Katersugaasivik KNI/Pilersuisumut saaffiginnikuuvoq, illullu 1 kr-nilerlugit tunineqarnissaat neqeroortigineqarpoq taamatuttaarlu illut pisiarineqarneranni aningaasartuutaasunut aningaasaliissussatut KNI/Pilersuisoq neqeroorteqarluni.

Illu pigineqanngippata katersugaasivik/kommuni iluarsaattariaqakkanut suliaqarsinnaanngilaq.

Qasigiannuani Katersugaasiviup siulersuisuisa illut pisiarineqarnissaat inassuteqaatigivaat.

INATSISITIGUT TUNNGAVIUSOQ:

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq kap 5.

KINGUNISSAI:

Illut pisoqqat iluarsaanneqarnerisigut atorneqarsinnaasunngornerisigullu illoqarfimmi takorannersaatinnussapput.

ANINGAASATIGUT KINGUNISSAI:

Illut iluarsaanneqarnissaannut aserfallatsaaliorneqarnissaannuullu aningaasartuutaasussat suli takussutissartaqanngillat, illumi pineqartut pigiliunneqaqqaartariaqarput, tamatumalu kingorna Sanaartornermut Avatangiisinullu Ingerlatsivimmi illut pineqartut qanoq issusii pillugit nalunaarusioqqaartariaqassapput aamma aserfallatsaaliorneqarnissaat nalilersuiffiqineqartariaqartussaassaaq.

INASSUTEQAAT:

Kultureqarnermut Atuartitaanermullu ataatsimiititaliap Aningaasaqarnermut ataatsimiititaliamut inassuteqaatigaa B-7 aamma B-9 Qasigiannuaniittut pisariarineqassasut.

Qaasuitsup Kommuniani aningaasaqarnermut ataatsimiititaliap aalajangernera: Illunik pisineq Kommunalbestyrelsimut aalajangiiffigisussanngorlugu innersuunneqarpoq siunissami aningaasaliissutit iluarsaassinernut aserfallatsaaliuinernullu sunnerneqassammata

Kommunalbetyrelsip aalajangernera: Inassuteqaat akuerineqarpoq, aalajagigassarlu ikaarsaariarnermut ataatsimiititaliamut Kommune Qeqertalimmut aalajagigassatut 2018-imut missigusuornissamut innersuunneqarlutik.

Ikaarsaariarnermut ataatsimiititaliap aningaasaqarnermut ataatsimiititaliaanit inassutigineqarpoq illut pisiarineqassasut.

SULIAP SULIARINEQARNERA:

Suliaq Ikaarsaariarnermut ataatsimiititaliamit aalajangerneqassaaq.

ATORTUSSATUT ILANNGUSSAT:

- 17-03-01-1: B-7-ip aamma B-9-p illutaasa Qasigiannuaniittut allaaserineqarneri
- 17-03-01-2: Qasigiannuani Katersugaasiviup siulersuisuisa inassuteqaataat

AALAJANGERNEQ:

Inassuteqaat akuerineqarpoq.

Suliap normua /eqqartugaq	17-024 Meeqquerivinni inimiittussat qassiusariaqarnerisa saniatigut inimi aqutsisuumik peqassappat meeqqat inimiittussat ikinnerpaaffilerneqarnissaat pillugu aalajangersaaneq.	Ilanngussap normua	
		Journal nr.	

EQIKKAANEQ:

Qaasuitsup Kommuni 27-inik ulluunerani paaqqinnittarfearpoq, 7-it nunaqarfinniipput.

Nunaqarfik	Sulisut	Meeraatigineqartut	Inini sulisut	Naliginnaasumik sulisorisat
Attu	16	12 vug + 1 bør = 13	3	1
Ikamiut	12	4 vug. = 4	2	1
Akunnaaq	8	4 vug + 2 bør = 6	2	1
Kitsissuarsuit	12	6 vug + 2 bør = 8	2	1
Saqqaq	24	8 vug + 3 bør = 11	3	1
Ikerasak	18	9 vug + 2 bør = 11	3	1
Saattut	24	4 vug + 6 bør = 10	3	1

Kultureqarnermut atuartitaanermut sunngiffimmilu ingerlatsiviup meeqquerivinni inimiittussat qassiusariaqarnerisa saniatigut inimi aqutsisuumik peqassappat meeqqat inimiittussat ikinnerpaaffilerneqarnissaat siunnerfilersimavaa, taamaaliortoqarporlu meeqqat qassiunissaannut killiliinissamut malittarisassanik inatsiseqanngimmat, kiisalu ulluunerani paaqqinnittarfimmi meeqqat qassiuneri naapertorlugit sulisut amerlassusilerneqarsimapput, Attumilu ulluunerani paaqqinnittarfimmi meeqqat maannakkut 13-iupput.

SULIAP SAQQUMMIUNNEQARNERA:

§ 19 stk. 2: Ulluunerani paaqqinnittarfimmi aqutsisuusoq sulisut qassiunissaannut taggiinermi ilaatinneqanngilaq.

§ 20 stk. 4: Kommunalbestyrelsen aalajangersartarpar ulluunerani paaqqinnittarfimmi ataatsimi sulisut qassiussanersut.

Meeqquerivimmi sulisut amerlassusissaasa saniatigut aqutsisuumik peqassappat ikinnerpaamik meeqqat qassiusariaqarnerat pillugu inatsimmi aalajangersagaqanngilaq, taamaattorli § 18-imi allaqqavoq, atorfeqartitsinermi oqartussaasup aqutsisuusoq allaffissornermi suliassanik suliqaartassannginneranik peqqussuteqarsinnaavoq, taamaaliornissarlu nunaqarfimmi ajornarluinnarpoq.

KAS-imi ataatsimiititaliaq qinnuigineqarpoq, nunaqarfimmi meeqqanut paaqqinnittarfimmi sulisut amerlassusissaasa saniatigut aqutsisoq atorfinitsinneqassappat ikinnerpaamik meeqqat qassiusariaqarnerannik aalajangiussaqaqqullugu.

INATSISITIGUT TUNNGAVIUSOQ:

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

KINGUNISSAI:

Ulluunerani paaqqinnittarfimmi neqerooruteqarnermi kommunip malittarisassai

ANINGAASATIGUT KINGUNISSAI:

Nunaqarfinni meeqqerivinni sulisut ataatsimik ilaneqarnissaat, tamatumani pineqarluni meeqqat 12-it sinneqaraangata, sulisumillu ilasineq ukiumut nutaamut aningaasanut missingersuusiorfiusumut tunngassuteqarpoq.

INASSUTEQAAT:

Sulisut amerlassusissaasa saniatigut aqutsisoq atorfinitsinneqartassaaq meeqqat meeqqerivimmiinneqartut 12-it sinneraangatigit.

Kultureqarnermut atuartitaanermullu ataatsimiititaliap aalajangernera: Meeqqat ikinnerpaaffissaat inimi aqutsisoqarluni inimi amerlassusissaasa saniatigut Kommunalbestyrelsimi aalajangiiffiqineqassaaq, sulisumik ataatsimilluunniit sulisut amerllineqarpata aningasaliisutit 2018 –imut missingersuutini amerlineqartariaqarmata.

Kommunalbetyrelsip aalajangernera: Inassuteqaat akuerineqarpoq, aalajagigassarlu ikaarsaariarnermut ataatsimiititaliamut Kommune Qeqertalimmut, aammalu Avannaata Kommuniata aalajangigassatut 2018-imut missigersuusiorfiusumut innersuunneqarlutik.

Ikaarsaariarnermut ataatsimiititaliap aningaasaqarnermut ataatsimiititaliaanit inassutigineqarpoq Kultureqarnermut Atuartitaanermut Sunngiffimmilu ingerlatsivik 2018-imut missingersuutit suliarinerinut atatillugu pineqartoq pillugu missingersuusioqqullugu Ikaarsaariarnermut Ataatsimiititaliamit suliakkerneqassasoq inassutigineqarpoq.

SULIAP SULIARINEQARNERA:

Suliaq Ikaarsaariarnermut ataatsimiititaliamit aalajangerneqassaaq.

ATORTUSSATUT ILANNGUSSAT:

- 17-03-05-1 Inatsisartut inatsisaat nr. 16, 3.12.2012-imeersoq.

AALAJANGERNEQ:

Inassuteqaat akuerineqarpoq.

Suliap normua /eqqartugaq	17-025	Nassuttuumi	Qeqertaasami	Ilanngussap normua	
	ikuallanneq			Journal nr.	

EQIKKAANEQ:

Nassuttuumi Qeqertaasami pinngortitap annertuumik ikuallannera tamanut nalunaarutigineqarpoq ullut qulingiluat matuma siornatigut.

INASSUTEQAAT:

Minnerpaamik Upalungaarsimanermut ataatsimiititaliaq (beredskabskommissionen) tamakkiisoq tunuliaqutaralugu tamakkiisumik piaartumillu nalilersuisoqassasoq ilumut kommunip atortorissaarutai illoqarfimmi nunaqarfinnilu sulinissamut taamaallaat tulluussagaasut ikuallannermut taamak annertutigisumut qamisaatigissallugit tulluartuunersut, pisariaqassappallu avataaniit ikiortissarsiorluni qamisaasoqarnissaa aallartikkasuarneqassasoq.

ATORTUSSATUT ILANNGUSSAT:

- Tusagassiuutitigut nutaarsiassat

AALAJANGERNEQ:

Qatserisoqarnissaa ingerlaannaq piaartumillu aallartinneqarnissaa Qaasuitsup Kommunianit isumagineqassasoq namminerlu kisimik isumagisinnaanngippassuk avataaniit piaartumik ikiortissarsiorluniaqartut.

ILISIMATITSISSUTIT

Ilaasortanit siunnersuutit, ataatsimiititaliani imaluunniit allaffissornikkut suliarineqartussatut ingerlateqqitat.

Ilaasortanit apeqqutit, allaffissornikkut akineqartut.

Suliap nr.	Ilisimatitsissut
Eqqartugaq	Pisortaanissarsiorneq

Pisortaanissarsiornermut tunngasoq ilisimatsitsissutitut ilanngunneqarpoq.

Suliap nr.	Ilisimatitsissut
Eqqartugaq	GER-nummer

Kommune Qeqertalik GER-normoqalerpoq: 37488895

Suliap nr.	Ilisimatitsissut
Eqqartugaq	Inuiat ataasiakkaat ingerlatsiviillu akileraarutaannut akiligassat

Ukiunut 2011 – 2015 inuit ataasiakkaat ingerlatsiviillu akileraarutaannut Qaasuitsup Kommuniata akiligassai annertussuseqartut 10.001.323 mio. kr. akileraaruseriffiup aqutsisoqarfianit allakkat ilanngunneqarput.

ATAATSIMIINNEQ NAAVOQ: 12:36**ATSIORFISSAQ:**

Hansen, Ane _____

Nathanielsen, Karl Thue _____

Sørensen, Hector Lennert _____

Samuelsen, Aqqa _____

Aronsen, Hans _____

Petersen, Thomas _____

Kristensen, Niels _____

Svane, Jess _____

Sandgreen, Enok _____

Mølgaard, Timooq _____

Jeremiassen, Otto _____

Jeremiassen, Kristian _____

Jeremiassen, Nikolaj _____

Vetterlain, Jens _____

Kristensen, Naja _____